



Rovvilt i region 6
Postboks 2600
7734 STEINKJER

Vår ref.: 16/1057-3

Dykkar ref.:

Arkiv: K2 - K47

Dato: 21.09.2017

Høyringsuttale for revidert forvaltningsplan for for rovvilt i region 6 Midt-Norge frå Stranda kommune

Innleiing

Forvaltningsplan for verdsarvstaden Vestnorsk fjordlandskap, del nord Geirangerfjorden omhandlar Sunnylvsfjorden, Geirangerfjorden og inste del av Tafjorden. Her ligg Geiranger-Herdalen landskapsvernområde, Hyskjett naturreservat og Kallskaret naturreservat. Busette område i Geiranger og sjøareal i Tafjord er også inkluderte i planen. Alle desse områda inngår i felles forvaltningsplan fordi UNESCO i juli 2005 gav verdsarvstatus for Geirangerfjorden og Nærøyfjorden under same nemninga «Vestnorsk fjordlandskap». Ein tilsvarende forvaltningsplan er laga for delområde Nærøyfjorden i Sogn og Fjordane. Forvaltningsplanen byggjer på verneforskriftene i dei einskilde verneområda. Det er i tillegg gjeve tilrådingar til kommunal arealforvaltning i dei busette områda som er innlemma i planen.

Det overordna målet med forvaltninga av verneområda er å ta vare på eit særprega og vakkert fjord- og fjelllandskap med eit rikt plante- og dyreliv, ta vare på viktige kulturlandskap der fjordgardar, setermiljø og kulturminne utgjer ein vesentleg del av landskapet sin eigenart, samt ta vare på geologiske førekomstar og landskapsformer. Forvaltningsplanen gir oversikt over viktige problemstillingar som går på tilhøvet mellom vern og bruk, og planen skisserer tiltak som kan gjennomførast for å fremje ei balansert forvaltning innafor rammene som verneføremålet set. Vidare vert det rådd yil å utarbeide meir detaljerte skjøtelsesplanar, og ymse utviklings- og tiltretteleggingstiltak i Geirangerfjordområdet.

Geiranger-Herdalen landskapsvernområde omfattar rikholdige og varierte kulturlandskap. Sjølv om det i dag er lite aktiv jordbruksdrift i området utover beitedrift, er det den historiske jordbruksdrifta som i stor grad har forma kulturlandskapet, og som er utgangspunkt for ein stor del av opplevingskvalitetane i området. Naturen i området er dramatisk. Folk har opp gjennom tidene og også i dag kultivert denne naturen og gjort området unikt. Det rike og varierte dyre- og plantelivet i området har viktige leveområde i slåtteteigar, beitelandskap og stølsområde. Dei fleste av desse lokalitetane er no i endring ved at dei vert prega av attgroing.

I ein rapport om biologisk mangfald for verneområdet (Fylkesmannen i Møre og Romsdal 2001) er det trekt fram nokre område der attgroinga enno ikkje har redusert dei biologiske kvalitetane. I føremålet med opprettinga av verneområdet er det mellom anna lagt vekt på at det er viktig å «ta vare

på viktige kulturlandskap der fjordgardar, setermiljø og kulturminne utgjer ein vesentlig del av landskapet sin eigenart.» (jf. § 2).

Innafor verneområde er det i dag aktiv jordbruksdrift, utover beitedrift, i Herdalen og Gråsteindalen. På begge desse stadane er det areal til slått, og i Herdalen er det også setring. Det aktive jordbruket i randsonene til verneområdet har beiterettar inne i verneområdet. Store område innanfor vernegrensene blir i dag skjøtt av beitedyr frå husdyrhaldet i randsonene. Aktiv jordbruksdrift i randsonene til verneområdet, som gjev aktiv beitedrift inn i verneområdet, er heilt avgjerande for å oppfylle føremålet med opprettinga av landskapsvernområdet.

Problemstillingar knytt til attgroing av kulturlandskapet er den viktigaste problemstillinga i forhold til verneføremålet. Det er særskild viktig at dei mest verdifulle kulturlandskapa blir skjøtta. Somme område treng stell gjennom rydding og slått, andre område treng aktiv beiting for å bli tekne vare på.

Attgroingsprosessen er dynamisk. Med dagens skjøtsel vil attgroinga i viktige delar av området halde fram. For å ta vare på dagens landskapsbilete i verneområdet, må skjøtselstiltaka aukast monaleg. Det er primært behov for fleire beitedyr. Utan eit aktivt jordbruk i randsonene til verneområdet, vil det bli svært utfordrande å oppfylle føremålet med vernet.

Ei hovudutfordring i forvaltninga vil vere å gje landbruksnæringa i randsonene økonomisk insitament til å oppretthalde og helst auke tradisjonell drift (i hovudsak beiting) inne i verneområdet. Ut i frå føremålet med vernet og rapporten om biologisk mangfald i verneområdet (Fylkesmannen i Møre og Romsdal 2001) må område/kulturlandskap prioriterast høgst, aktuelt i denne saka:

- Kvanndalsetra Naturbeitemark (B1)

Jordbruket er av dei næringane i Noreg som har gjennomgått store endringar siste 30 åra. Næringa står no framfor eit nytt hamskifte. Det er ei utfordring å leggje til rette for at jordbruket i randsonene til Geirangerfjordområdet får høve til utvikling og nyskaping, både i drifta inn til verneområdet, og innanfor, utan at slik utvikling kjem i konflikt med verneforskrifta.

Sidan beitande husdyr er eit berande element i arbeidet med å oppretthalde kvalitetane i verneområdet, er det i verneforskrifta lagt til rette for at vernet ikkje er til hinder for aktivt jordbruk med mellom anna drift og skjøtsel av jordbruksareal og setervollar. Det same gjeld for drift av slåtteareala i Gråsteindalen. Det er i rapporten om biologisk mangfald (Fylkesmannen i Møre og Romsdal 2001) streka under eit sterkt behov for auka beiting dersom ein skal klare å ta vare på dei biologiske verdiane fleire stadar i området.

Tiltak

Ut frå føremålet med vernet og rapporten om biologisk mangfald i verneområdet må følgjande tiltak prioriterast høgt:

- Tiltak som fremjar auka beitedrift i verneområdet
- Tiltak som fremjar meir rasjonell beitedrift i verneområdet

Konflikt med jerv

I dei seinare åra har det vore aukande sauetap og konflikt med jerv for småfebønder i Geiranger og Oaldsbygda. Det har vore uttak av jervehi i Oaldsbygda våren 2017 som ligg uttafor forvaltingsområde og det har vore registrert tap av sau i Gråsteindalen hausten 2017 som ligg innafor

forvaltingsområde for jerv. Bøndene fikk vedtak frå mattilsynet med krav om nedsanking av sauene frå Gråsteindalen datert 25/8-17, og det vart gitt skadefellingsløyve på jerv same sumaren.

Forslag på flytting av grense til forvaltingsområde av jerv:

- Stranda kommune vil med dette foreslå å flytte grensa på forvaltingsområde for jerv frå fylkesveg 63 heilt ut av Geiranger og Stranda mot grensa til nabokommunen Norddal, fordi vi vil prioritere tiltak som fremjar auka beitedrift og meir rasjonell beitedrift i verneområdet.




Fig. 10: Kart over område med mål om ynglinger av 10 jerv i regionen.

Med vennleg helsing
Stranda kommune

Asle Johan Bergseth Konnerth
Skogbrukssjef

Dette brevet er godkjent elektronisk i Stranda kommune og har derfor ikkje signatur.